

半夏二升，人参三两，白蜜一升。”因病位在上，不可用下法。病机为水气太盛，以生半夏去水。水气所以不降者，又因大肠干涸之故。是以白蜜润肠，使渣滓下通，水乃得降，反胃可止。

73. 呕吐

湿痰阻于胸膈，则上泛而欲吐。考太阳将传阳明，则上湿下燥。固有当用瓜蒂散吐之者。盖湿邪黏滞，非一下所能尽。或恐留滞肠胃，转为他病，为病在上膈也。尝见病呕逆之人，自用吴茱萸以止之者，腹中胀闷欲死，浸成里热，以致匝月昏愤，几于不救。由此观之。病人欲吐者，不唯不可下，并不可止。为胸中自有湿痰也。《内经》不云：在高者引而越之乎？

【按】《金匱》曰：“病人欲吐者，不可下之。”呕吐者不可下，已如上案所述。湿痰阻于胸膈，用吴茱萸汤止之，因药性温热，痰未能去，而转为热痰。据《内经》“在高者引而越之”的治法，当用瓜蒂散吐之。《伤寒论》曰：“胸中痞硬，气上冲咽喉不得息者，此为胸有寒也，当吐之，宜瓜蒂散。”

74. 大便难

徐左

能食，夜卧则汗出，不寐，脉大，大便难，此为脾约。

脾约麻仁丸一两

作三服，开水送下。

姜佐景按：麻子仁丸原方为麻子仁二升，芍药半斤，枳实半斤（炙），大黄一斤（去皮），厚朴一尺（炙，去皮），杏仁一升（去皮尖，熬别作脂）等六味，蜜和丸，如梧桐子大。今药铺中通称曰脾约麻仁丸者，即是也。本方以麻子仁为君，凡仁中皆有油质，功能润下，故借之以通便，施于虚弱体质之不胜攻伐者允宜。

以上自大陷胸汤至麻子仁丸凡七证，虽有缓急之分，皆不离下法。或以结胸为主，或以瘀血为主，或以蓄血为主，或以热利为主，